

**Uunga siunnersuut: Unammilleqatigiinneq pillugu Inatsisartut inatsisaata aamma nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut peqqussutaata allanngortinneqarnerinik Inatsisartut inatsisaat nr. xx, ulloq xx. xxxx 2017-imeersoq**  
 (Suliassaqrfinni aalajangersimasuni unammilleqatigiinnermik aqtsineq, attaveqaqatigiissutit elektroniskiusut nunanillu tamalaanik suleqateqarneq)

## § 1

Unammilleqatigiinneq pillugu (unammilleqatigiinnermut inatsit) Inatsisartut inatsisaanni nr. 1, ulloq 15. maj 2014 -imeersumi imaattunik allannguiteqartitsisoqassaaq:

1. § 23-ip kingorna ikkunneqassaaq:

### **”Kapitali 5a**

*Suliaqarfii aalajangersimasut siunnerfigalugit elektroniskiusunik attaveqaqatigiinnermut aamma kiffartuussinermut atatillugu unammilleqatigiinnermik aqtsineq*

*Internetimut appakaaffissaqartitsineq aamma peqatigiilluni ataatsimut atuisitsisinnaatitsineq  
 pillugit ataatsimut aalajangersakkat*

**§ 23 a.** Attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut peqatigiillutik ataatsimut atuisitsisinnaatitsineq pillugu akunnerminni isumaqatigiissusiornissaq pisussaaffigaat attaveqaqatigiissutit elektroniskiusut kikkunnut tamanut neqeroorutigineqarsinnaanissaat siunertalarugu, taamaalilluni kiffartuussissutit taamaattut Kalallit Nunaanni tamarmi neqeroorutigisinnaaqqullugit aamma unammilleqatigiit neqeroorutigisaat suleqatigiissinnaaqqullugit.

*Imm. 2. Atuisartoqarnermut Unammilleqatigiinnermullu Aqutsisoqarfik pisussaaffiliisinnavaq, tamanna pisariaqaraangat, atuisut attaveqaqatigiissutini ataasiakkaani atassuserneqarnissaannik qularnaarukkumallugit imaluunniit attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik neqerooruteqartartunut, atuisup ataatsip amerlanerusulluunniit iserfigineqarsinnaanerannik paarsisuusunut, ilanggullugu unammilleqatigiit ataqatigiissaarutaasa ataatsimut suleqatigiissinnaalersinnissaat, unammilleqatigiit neqeroorutigisaasa suleqatigiissinnejarnissaat qularnaarumallugit.*

**§ 23 b.** Internetimut appakaaffissaqartitsineq aamma peqatigiilluni ataatsimut atuisitsisinnaatitsineq isumaqatigiissutit imminut akilersinnaasunik atugassaritaasut iluanni aalajangersarneqartassapput.

*Imm.* 2. Naak imm. 1 atuukkaluartoq attaveqaqatigiissutinik imaluunniit kiffartuussissutinik elektroniskiusunik ataqtigiaissaakkanik kikkunnut tamanut neqerooruteqartartut, § 23 a, imm. 2 imaluunniit § 23 i naapertorlugit pisussaaffilerneqarsimasut, attaveqaqatigiissutinik imaluunniit kiffartuussissutinik elektroniskiusunik ataqtigiaissaakkanik kikkunnut tamanut neqerooruteqartartut allat internetimut appakaaffissaqartitsinermik aamma peqatigiilluni ataatsimut atuisitsisinnaatitsinermik neqerooruteqassapput naammassisassat piumasallu neqerooruteqartumut pisussaaffigineqarsimasunut naapertuuttunik.

**§ 23 c.** Attaveqaqatigiissutinik imaluunniit kiffartuussissutinik elektroniskiusunik ataqtigiaissaakkanik neqerooruteqartartut internetimut appakaaffissaqartitsineq imaluunniit ataatsimut ingerlaarneq pillugit isumaqatigiinniarnerit sioqqullugit, ingerlanneranni kingornaluunniit attaveqaqatigiissutinik imaluunniit kiffartuussissutinik elektroniskiusunik ataqtigiaissaakkanik neqerooruteqartartunit allanit paasissutissanik tigusaqartut taamaallaat paasissutissat pissarsiarisani siunertaasumut tunniunneqarnerat naapertorlugu atorsinnaavai, aammalu sukkulluunniit paasissutissat taakkua tigusimasani isertuuttussaallugit.

*Imm.* 2. Paasissutissat tigusimasat allanut ingerlatseqqinnejassanngillat, taamaaliornikkut unammilleqatigiinnermi iluaqtissarsisinnaasumut, tamatumani aamma immikkoortortanut allanut, ingerlatseqatigiaffinut allequtaasunut imaluunniit piginneqatigisanut.

#### *Internetimut appakaaffissaqartitsinermi teknikkikkut aqutsineq*

**§ 23 d.** Naalakkersuisut Atuisartoqarnermut Unammilleqatigiinnermullu Aqutsisoqarfimmit oqaaseqaatinik piniareernermermi kingornatigut ersarinnerusunik malittarisassiorsinnaavoq, attaveqaasersuisartut niuerfimmi annerpaamik tigummisuusut, internetimut appakaaffissaqartitsinissamik pisussaaffiligaasut, takuuk § 23 j, aamma attaveqaqatigiissutinik imaluunniit kiffartuussissutinik elektroniskiusunik ataqtigiaissaakkanik kikkunnut tamanut neqerooruteqartartut internetimut appakaaffissamik taamaattumik atuisuusut, ingerlatsinermut atatillugu teknikkikkulluunniit piumasaqaatinik naammassinnittassapput, tamanna pisariaqaraangat attaviit ingerlanneqarnerisa nalinginnaasuunissaasa qularnaarneqarnissaannut.

#### *Unammillermermi atugassaritaasunik misissuisarnerit*

**§ 23 e.** Atuisartoqarnermut Unammilleqatigiinnermullu Aqutsisoqarfip akuttoqatigiissaakkamik nalunaarasuartaateqarnermi unammilleqatigiinnermi pissutsit

misissuiffigisarpai (niuerfimmi misissuineq), pisariaqartitsineq nalilersorsinnaajumallugu, § 23 i-lu naapertorlugu pisussaaffiliinissamut pisariaqartitsineq nalilersorsinnaajumallugu.

*Imm. 2.* Atuisartoqarnermut Unammilleqatigiinnermullu Aqutsisoqarfip niuerfimmi misissuinerusimasut nutarsartarpai, niuerfiusuni pissutsinilu atuuttuni pisariaqarneranik nalileereernermi.

*Imm. 3.* Neqerooruteqartartut niuerfimmi annerpaamik tigummisuusut pisussaaffiligaasullu, takuuk § 23 i, aaqqissuussaanikkut allannguinerit pisussaaffiliunneqarsimasunut annertuumik pingaaruteqartut pillugit Atuisartoqarnermut Unammilleqatigiinnermullu Aqutsisoqarfik ilisimatittassavaat.

#### *Niuerfiusunik killilersuisarneq*

**§ 23 f.** Niuerfiusunik misissuisarnernut atatillugu, takuuk § 23 e, Atuisartoqarnermut Unammilleqatigiinnermullu Aqutsisoqarfip niuerfiusut killissaat nalunaarsortassavai, nunarsuarmiut akornanni periaatsit pitsaanerpaat tunngavigalugit, Kalaallit Nunaanni pissutsinut naleqqussarlugit.

#### *Niuerfinnik misissuineq*

**§ 23 g.** Niuerfinnik misissuisarnernut atatillugu, takuuk § 23 e, Atuisartoqarnermut Unammilleqatigiinnermullu Aqutsisoqarfip niuerfinnik nalilersuineq ingerlattarpaa, § 23 f-imut naapertuuttumik killiligaasoq, nalilersorsinnaajumallugu niuerfinni taakkunani piviusumik unammilleqatigiittoqarnersoq.

#### *Neqerooruteqartartumik niuerfimmi annerpaamik tigummisumik toqqaaneq*

**§ 23 h.** Niuerfimmik misissuinerup, takuuk § 23 g, ersersippagu piviusumik niuerfiusumi unammilleqatigiittoqanngitsoq, taava Atuisartoqarnermut Unammilleqatigiinnermullu Aqutsisoqarfip niuerfimmi pineqartumi annerpaamik tigumminnittumik attaveqaqatigiissutinik imaluunniit kiffartuussissutinik elektroniskiusunik ataqtigiissaakkanik neqerooruteqartartoq ataaseq amerlanerusulluunniit toqqassavaa imaluunniit toqqassavai.

*Imm. 2.* Niuerfimmi ingerlatsisuusoq annertuumik ingerlatsivimmi tigumminnittuusutut isigneqassaaq, imm. 1 naapertorlugu, neqerooruteqartartoq annertuumik tigumminnittoq kisimiilluni imaluunniit neqerooruteqartartut allat peqatigalugit, aningaasaqarnikkut ima nukittutigisumik inissisimaguni unammillertit allat kiffartuussallu apeqqutaatinnagit iliuseqarsinnaassuseqarluni.

*Imm. 3.* Niuerfimmi aalajangersimasumi neqerooruteqartartoq imaluunniit niuerfimmi neqerooruteqartartutut annerpaamik tigumminnittutut toqqarneqarpat, takuuk imm. 1, Atuisartoqarnermut Unammilleqatigiinnermullu Aqutsisoqarfik tamatuma ilutigisaanik neqerooruteqartartoq taanna niuerfimmi assingusumi annerpaamik neqerooruteqartartussatut toqqarsinnaavaa, niuerfimmi ataatsimi inissisimaneq niuerfiup aappaanut nuunneqarsinnaara niuerfiusut taakkua marluk imminnut attaveqarnerisa periarfissaqartippagu, taamalu neqerooruteqartartup taassuma niuerfinni inissisimanera annertusaqqissinnaallugu nukittorsaqqillugulu.

*Imm. 4.* Niuerfimmik misissuinerup, takuuk § 23 g, ersersippagu niuerfimmi pineqartumi piviusumik unammilleqatigiittoqartoq, imaluunniit neqerooruteqartartoq niuerfimmi annerpaamik tigumminnittuujunnaarsimappat, taava Atuisartoqarnermut Unammilleqatigiinnermullu Aqutsisoqarfip pisussaaffiit tamaasa atorunnaarsissavai, immikkoortoq una naapertorlugu, imaluunniit immikkoortoq una naapertorlugu malittarisassiaasut naapertorlugit niuerfimmik annerpaamik tigumminnittuusimasumut pisussaaffiliunneqarsimasut, niuerfimmi pineqartumi annerpaamik tigumminnittuusimaneranni pisussaaffiliussasut aqunniarlugit.

*Neqerooruteqartartut niuerfimmi annerpaamik  
tigummisuusut malittarisaliunneqarneranni pisussaaffiit*

*Niuerfimmi aalajangiinerit*

**§ 23 i.** Aalajangiinerni § 23 h, imm. 1 naapertorlugu, Atuisartoqarnermut Unammilleqatigiinnermullu Aqutsisoqarfik neqerooruteqartartut niuerermik annerpaamik tigumminnittuusut, takuuk § 23 h, ataatsimik arlaqartunilluunniit pisussaaffiliissaq.

*Imm. 2.* Atuisartoqarnermut Unammilleqatigiinnermullu Aqutsisoqarfip aalajangikkani ataasiakkaani pisussaaffiliunneqartuni annertussusiusussanik aamma taakkua imarisassaannik aalajangersaasassaaq. Pisussaaffinnut imm. 1-imi pineqartunut ilaasinnaapput:

- 1) Internetimut appakaaffissaqartitsineq, takuuk § 23 j.
- 2) Assigiinngisitsinnginnissaq, takuuk § 23 k.
- 3) Akimut ersittuutitsinissaq, takuuk § 23 l.
- 4) Naatsorsuutit immikkoortukkuutaartumik aaqqissuussaanaissaat, takuuk § 23 m.
- 5) Akinik nakkutilliineq, takuuk § 23 n.
- 6) Aaqqissuussamik immikkoortitseqqanissaq, takuuk § 23 o.

*Imm. 3.* Atuisartoqarnermut Unammilleqatigiinnermullu Aqutsisoqarfik pisuni immikkut ittuni niuerfimmik annerpaamik tigumminnittunut allanik pisussaaffiliisinnaavoq, imm. 2-mi allattukkat saniatigut.

*Imm. 4.* Imm. 3 apeqqutaatinngagu Atuisartoqarnermut Unammilleqatigiinnermullu Aqutsisoqarfik neqerooruteqartartut niuerfimmi annerpaamik tigumminnittut ingerlatsiviisa

annikitsut malittarisaliunneranni pisussaaffinnik allanik atugassiissuteqarsinnaavoq, pisussaaffiit imm. 2-mi eqqaaneqartut unammilleqatigiinnermi ajornartorsiummik § 23 g naapertorlugu paasineqartumik aaqqiinissamut naleqqutinngitsutut nalilerpagu.

*Imm. 5. Aalajangiinermi imm. 1, 3 imaluunniit 4-mi pineqartumut atatillugu Atuisartoqarnermut Unammilleqatigiinnermullu Aqutsisoqarfip aalajangissavaa attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik neqerooruteqartartut tamatumunnga kalluarneqartut qanoq ilisimatinneqassanersut. Neqerooruteqartartut taakkua piffissaagallartillugu piffissaqarluartumik tamanna pillugu ilisimatinneqartassapput.*

*Internetimut appakaaffissaqartitsinermik pisussaaffeqarneq*

**§ 23 j. Internetimut appakaaffissaqartitsinermik pisussaaffeqarneq ima paasineqassaaq neqerooruteqartartut niuerfimmi annerpaamik tigumminnituusut internetimut appakaaffissaqartitsinermik piviusumik imaluunniit piviusuusaartumik neqerooruteqartartup internetimi immikkoortuinut, kiffartuussinerinut assigisaannillu ingerlataanut neqerooruteqartassasut. Tassunga atatillugu neqerooruteqartartoq Atuisartoqarnermut Unammilleqatigiinnermullu Aqutsisoqarfimmit internetimut appakaaffissaqartitsinissaq taamaattulluunniit pillugit isumaqatigiissutit allannguuteqartinnissaannik noqqaassutit naleqquttut akuerinissaannut pisussaaffilerneqarsinnaavoq. Pisussaaffik ilaatigut makkuninnga imaqarsinnaavoq:**

- 1) Internetimi immikkoortunut ingerlatanullu, ilanngullugit internetimi immikkoortunut atunngitsunut, atuisartuutit attaviinut pisussaaffilersugaanngitsumik pisinnaaneq aamma atuisartuutit attaviinik tuniniaaqqissinnaanermik neqerooruteqarsinnaanermik pisinnaatisineq.
- 2) Attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut atuisinnaanermut qinnuteqartut pimoorussillutik isumaqatiginninniaqatigisassagaat.
- 3) Atortorissaarutinut siusinnerusukkut attaviliivigineqarsimasunut attavinnik atortitsiinnarnissanut.
- 4) Kiffartuussinernik assigiinngitsunik annertuukkaartumik pingajuusunut neqerooruteqartarneq niuerutigeqqitassatut.
- 5) Teknikkikkut saqqumisup ilusaanut, protokollinut imaluunniit teknikkikkut atortorissaarutinut allanut killeqanngitsumik attaveqarnissanut neqerooruteqartarneq, kiffartuussissutaasut imaluunniit kiffartuussissutaasunut assingusut unammilleqatigiit neqeroorutigisaat suleqatigiissinnaanissaannut pingaaruteqartunut.
- 6) Ataatsimut ineqarnissamik neqerooruteqarneq, ataatsimut ineqarnertut aaqqissuussisinnaanermik imaluunniit allatigut ataatsimut atortorissaarutinik atueqatigiinnissamik neqerooruteqarnerit, tamatumani aamma illuutinik ataatsimoorussilluni

atuinissanik, illunut aqqutinik ataatsimut atuinissanik, illuni kabelinik, napparutinik, antenninik, napasulianik, allanillu iluaqusersuutinik, kabelit ledningillu aqquaannik kabelinullu itersalianik aamma skavinnik atueqatigiinnissanik neqerooruteqartarnerit.

7) Kiffartuussinernik aalajangersimasunik neqerooruteqartarnissaq, atuisartut akornanni internetip attaviullu suleqatigiissinnaanissaasa qularnaarnissaannut pisariaqartunik, tamatumani aamma internetikkut kiffartuussissutit silatuut imaluunniit mobile netikkut atuisuuffigisap isumaqatigiissuteqarfigisimasaasa attaveqaataasa aqquaannik atuinernik.

8) Ingerlatsinernut ikorfartuutaasunik aaqqissuussinernik software-nilluunniit assigisaannik atuinissamut neqerooruteqartassalluni, unammilleqatigiinnermik pivusumik ingerlatsinissamut pisariaqartunik.

9) Attaveqaatit assigiinngitsut imaluunniit internetikkut ingerlatsiviit tigussaasunik isumaliortaatsikkulluunniit naleqquttunik ataatsimut kattunneqarnissaannik neqerooruteqassalluni.

10) Kiffartuussinernik attuumassuteqartunik atuisinnaanermut neqerooruteqassalluni, soorlu kinaassutsimut, nunap immikkoortuani sumiinnermik peqataanermillu takutitsisinnaasunut.

*Imm. 2. Internetimut appakaaffissaqartitsinermut pisussaaffinnik aalajangersaasarnerni Atuisartoqarnermut Unammilleqatigiinnermullu Aqtsisoqarfiup ingammik isigniassavai;*

1) niuerfimmi ineriartornerup ingerlasup teknikkikkut aningaasarsiornikkullu ingerlatsiviit imminnut unammillertut atornissai imaluunniit ikkunnissai ajornartinnginneraa, internetimut appakaaffissaqartitsinermik aamma ataatsimut ingerlaarnermut aaqqiissutit qanoq ittuunerat qajassuullugu,

2) internetimut appakaaffissaqartitsineq neqeroorutigineqartoq tigussaasumik periarfissaqarnersoq tigusisinnaassuseq pigineqartoq eqqarsaatigalugu,

3) ingerlatsivimmik piginnittup pilersitsinissamut aningaasaliissutinik qanoq annertutigisunik aallarniuteqartariaqarnersoq, pisortat aningaasaliissutigisimasaannut aamma nalorninaatinut tamatumunga atasunut sanilliullugu,

4) ungasinnerusoq eqqarsaatigalugu killilersugaanngitsumik unammilleqatigiinnerup qularnaarneqarnissaanut pisariaqartitsineq, ingammik nunap iluani atortorissaarutit aningaasarsiornikkut akilersinnaasumik unammilleqatigiinnermik tunngaveqartoq, aamma

5) pisinnaatitaaffiusinnaasut naleqquttut silatumillu aaqqissuussat nunarsuarmiullu kiffartuussinertigut neqeroorutaat.

#### *Assigiinngisitsinnginnissamut pisussaaffik*

**§ 23 k.** Assigiinngisitsinnginnissamut pisussaaffittut paasineqassaaq neqeroorutinik annerpaanik tigummisuusut qularnaassagaat pisussaaffit, pissutsit assigisaanni attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik neqerooruteqartartut allat neqeroorutaasartut assigisaannik niueruteqartut, atugassaritaaSut assigisaasa iluanni aamma akit assigisaasa iluanni, aammalu

kiffartuussinernik neqerooruteqartassasut atugassarititaasut assigisaasa iluanni, akit pitsaassutillu assigisaannik, kiffartuussinertut neqerooruteqartartumit allamit atortinneqartutulli, taassuma ataaniittutut ingerlatseqatigiiffiutaanut imaluunniit suleqataanut aamma.

*Imm. 2.* Imm. 1-imi pisussaaffimmut aamma ilaapput pisut, kiffartuussinernik niuerfimmi annerpaamik tigummisuusup, imminut neqeroorutigisaani, ingerlatseqatigiiffimmut allequtaasutut pigisaminut suleqatigisaminulluunniit neqeroorutigisaani, nioqqutinit assigiinngitsunit katitigaasuni, aamma pisuni kiffartuussinerit assingusut neqeroorutigineqarfigisaanni pineqartunut atatillugu, imaluunniit nioqqutini assigiinngitsuni immikkuualuttortaasutut ilaaffigisaanni.

*Imm. 3.* Neqerooruteqartartoq annerpaamik tigummisuusoq akimut ersittuutitsinissamik pisussaaffilerneqarsimasuni, neqerooruteqartartoq pisussaaffigiligaalluni nioqqutissanik nutaanik, pioreersunillu allannguiumaarnissanik tamanut paasissutissiissuteqartarnissamik, takuuk § 23 1, taava Atuisartoqarnermut Unammilleqatigiinnermullu Aqutsisoqarfik niuernermut tunngatillugu aalajangiinermini piumasaqarsinnaavoq nioqqut ataatsimoortoq nutaaq imaluunniit allangortinneqartoq, internetimut appakaaffissaqartitsinermik pisussaaffilikkamut ilaasoq, takuuk § 23, j, piffissami aalajangersimasumi suleqatit akornanni avammulluunniit nioqqutigineqassanngitsoq.

#### *Akimut ersittuutitsinissamut pisussaaffik*

**§ 23 I.** Akimut ersittumik ingerlatsinissamut pisussaaffebarneq paasineqassaaq neqerooruteqartartut annerpaamik tigummisuusut paasissutissanik aalajangersimasunik tamanut saqqummiussaqartartussaanerattut.

*Imm. 2.* Neqerooruteqartartoq annerpaamik tigummisuusoq assigiingisitsinnginnissamik pisussaaffigiligaasimappat, takuuk § 23 k, Atuisartoqarnermut Unammilleqatigiinnermullu Aqutsisoqarfip neqerooruteqartartoq peqqusinnavaa neqeroorummik nalinginnaasumik taaneqartumik tamanut saqqummiinissamik, naammaginartumik qilertaanngitsumik attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut allat ingerlatsivinnik internetimut appakaaffissaqartitsinermut kissaatigineqartumut pisariaqanngitsunik akiliisariaqannginnissaannik qularnaarnissaanut, tamanullu saqqummiussami nalunaarsorneqarsimassallutik kiffartuussissutit ataasiakkaat, taakkununngalu tunngatillugu atugassarititaasut piumasaqaatillu, tamatumani aamma akigititat.

*Imm. 3.* Neqerooruteqartartoq annerpaamik tigumminnittoq pisussaaffilerneqarsimappat § 23 j, imm. 1, nr. 1-imi pineqartutut, atuisut atassutaannit qilertaanngitsut atorlugit internetimut appakaaffissaqartitsilerluni, tamanna pillugu neqeroorut nalinginnaasoq kikkunnut tamanut saqqummiunneqassaaq.

*Imm. 4.* Neqerooruteqartartut annerpaamik tigummisaqartut neqeroorutiminnik nalinginnaasunik tamanut saqqummiussisarnissamik pisussaaffiligaasut imm. 2-mi aamma 3-mi nalunaarneqartutut, kingusinnerpaamik tamanut saqqummiussinermut atatillugu neqeroorut nalinginnaasoq Atuisartoqarnermut Unammilleqatigiinnermullu Aqutsisoqarfimmut nassutiessavaa.

*Imm. 5.* Neqeroorut nalinginnaasoq minnerpaamik pissutsinut niuerfimmi aalajangiinerni taaneqartunik imaqassaaq, tak. § 23 i.

*Naatsorsuutini immikkoortitsisarnissamut pisussaaffik*

**§ 23 m.** Naatsorsuutitsigut immikkoortukkaartumik aaqqissuussinissamut pisussaaffeqarneq paasineqassaaq neqerooruteqartartut annerpaamik tigumminittuusut internetimut appakaaffissaqartitsinermut tunngatillugu suliat aalajangersimasut immikkut naatsorsuusiornissai pisussaaffigaaat.

*Imm. 2.* Nipangiussisussaatitaanermik malittarisassat, pisortani sulianik ingerlatsisarnermut inatsit aamma inummut tunngasunik paasissutissanut inatsit unioqqutinnagit Atuisartoqarnermut Unammilleqatigiinnermullu Aqutsisoqarfik naatsorsuutinut tunngasumik paasissutissat, tamatumanilu aamma isertitat, tamanut takusassiarisinnaavai.

*Akinik nakkutilliinermut pisussaaffik*

**§ 23 n.** Akinik nakkutillisussaanermik pisussaaffittut paasineqassaaq pisussaaffik neqerooruteqartartut annerpaamik tigumminittuusut akinik aalajangersaasarnissamut piumasaqaatinik naammassinnittassasut, § 23 i, imm. 1 naapertorlugu niuerfimmut tunngatillugu aalajangigaq tunngavigalugu.

*Imm. 2.* Pisussaaffik imm. 1-im ieqqaaneqartutut ittoq atortussanngortinneqarsinnaavoq niuerfiusunik misissuinerup ersersippagu neqerooruteqartartoq unammillernerup amigarneranik pissuteqartumik annerpaamik tigummisuusup akigititani piviusorsiunngitsumik qaffasissusillit atortiinarsinnaagai, imaluunniit atuisartunut akornusiisumik akigititanik "qerititsisimaguni".

*Imm. 3.* Piumasaqaatinik aaqqissuussisarnerni imm. 1 naapertorlugu, neqerooruteqartartup pisussaaffeqartup aningaasaliissutai isiginiarneqassapput, naammaginartumillu aningaasaliissutaanik erniortitsisoqarnissaa akuersaarneqassalluni, aningaasaliinermi nalorninaatit ilaasut isiginiarlugit.

*Imm. 4.* Pisussaaffiliinermi imm. 1-im ieqqaaneqartutut ittuni qularnaarneqassaaq, aningaasartuutit matussusernissaannut isiginagiagassat periaatsilluunniit akit aalajangersarnissaannut atorneqarsinnaasut naammassisqaarlurnissamik siunnerfeqassasut,

aamma attanneqarsinnaasumik unammillertoqarnissaanik pilersitsissasut, atuisunullu amerlanerusunik iluaqtissarsisitsissasut.

*Imm. 5.* Elektroniskiusumik attaveqaqatigiissutit ataatsikkut aqqutinut kiffartuussinernut arlaqarnerusunut atorneqarpata, immikkoortukkaartumik isigalugit tamarmik ataasiakkaarlutik elektroniskiusumik attaveqaqatigiissutinut aningaasartuutasunik taakkualuunniit ilaannik matussusiisussatut, taava Atuisartoqarnermut Unammilleqatigiinnermullu Aqutsisoqarfiup nioqquit internetimut appakaaffissaqartitsissutaasut akissaannik aalajangiisarnermi, arlariinnit atorneqaraangata aningaasartuutasut naapertuuttumik agguarneqartarnissaat isumagisassavaa, atorneqarneranut attuumassuteqartuni, nioqquitinik internetimut appakaaffissaqartitsissutaasunik neqerooruteqartartut akornanni.

*Imm. 6.* Neqerooruteqartartoq annerpaamik tigummisuusoq pisussaaffiligaappat akinik nakkutilliinissamut, takuuk imm. 1, neqerooruteqartartoq tamatumunnga atatillugu pisussaaffilerneqarsinnaavoq aningaasartuutasunik naatsorsuusiornermik atuinissaanik, akinik nakkutiginninnermut tapertatut. Tamatumunngalu atatillugu piumasaqaateqartoqarsinnaavoq neqerooruteqartartup aningaasartuutissanut naatsorsuusiornerneq atorneqartoq allaaserissagaa, tassanilu minnerpaatut aningaasartuutinik immikkoortut pingarnerit arlariit aningaasartuutinut katersuiffiusut ersersinneqassasut, aamma aningaasartuutit agguarneqarneranni malittarisassat tunngaviusut, kikkunnit tamanit atorneqarsinnaalersillugit.

*Imm. 7.* Neqerooruteqartartoq annerpaamik tigummisuusoq neqerooruteqartartumut atasuunngitsumik pingajuusumik nakkutilliisissaaq aningaasartuutasunut naatsorsuusiat imm. 6 naapertorlugu suliarineqarsimasut, pisussaaffiliussasimasut naapertorlugit suliaasut, taakkualu naapertuunnerat pillugu oqaaseqaateqassalluni. Atuisartoqarnermut Unammilleqatigiinnermullu Aqutsisoqarfiup naapertuuttunerinut upternarsaatit ukiumoortumik tamanut takusassiarisassavai.

*Imm. 8.* Atuisartoqarnermut Unammilleqatigiinnermullu Aqutsisoqarfiup niuerfimmi aalajangiinermi tak. § 23 i ersarinnerusunik maleruagassiussavai akinik nakkutilliinermi aaqqissuussinerit periaaserineqartussat qanoq ittut atorneqassasut.

#### *Aaqqissuussamik immikkoortitseqqanissamut pisussaaffik*

**§ 23 o.** Aaqqissuussamik immikkoortitsinertut paasineqassaaq neqerooruteqartartoq annerpaamik tigummisuusoq nioqquitissiornermilu imaluunniit agguassisarfinni assigiinngitsut iluanni isumaginnituusoq, niuerfiusumi nioqquit internetimut appakaaffissaqartitsissutaasut tulluartut amerlasuukkuutaarlugit tuniniarnerannut atatillugu ingerlatsivimmut arlaannaannulluunniit attuumassuteqanngitsumut isumagisassanngortissagaa.

*Imm. 2.* Atuisartoqarnermut Unammilleqatigiinnermullu Aqutsisoqarfik taamaallaat immikkut ittutigut neqerooruteqartartut annerpaamik tigumminnituusunut suliat immikkoortisimaneqarnissaannik pisussaaffiliisinnaavoq, imaappat:

- 1) Atuisartoqarnermut Unammilleqatigiinnermullu Aqutsisoqarfip nalilersuinermut atatillugu, takuuk § 23, g, paasippagu nioqqutit internetimut appakaaffissaqartitsissutaasut tulluartut amerlasuuksuutaarlugit tuniniarnerannut atatillugu pingaaruteqartunik ataavartunillu unammilleqatigiinnermi ajornartorsiuteqartoq imaluunniit niuerfimmi ajutoortoqartoq, aamma
- 2) Atuisartoqarnermut Unammilleqatigiinnermullu Aqutsisoqarfip nalilerpagu pisussaaffiit § 23 i, imm. 2, nr. 1-5 naapertorlugit tunniunneqarsimasut unammilleqatigiinnermik naammaginartumik pilersitsisimanngitsut.

*Imm. 3.* Ingerlatsinerit immikkoortisimaneqarnissaannut pisussaaffik makkuninnga imaqarsinnaavoq:

- 1) Immikkoortortoqarfinnik naleqquttunik ingerlatsivittut namminersortungortillugit immikkoortitsineq.
- 2) Ingerlatsiviup ingerlataanik aamma nioqqutaanik imaluunniit kiffartuussinerinik ingerlatsivimmit tassannga isumagineqartussanik immikkoortitsineq.
- 3) Tigussaasumik sulisunik aamma pisortanik sulisut pisortallu sinneriniit immikkoortitsineq.
- 4) Ingerlatap iluani nakkutiliissutinik aaqqissuussanik pilersitsineq, ingerlatseqatigiiffiup immikkoortitsisumik ingerlatsinnginnissaanut anguniagaasunik isumaginnittussanik.
- 5) Aaqqissuussaanikkut iliuisissanik pilersitsineq, ingerlatsivimmi immikkoortitami sulisuuusut pituttorsimannginnissaannik qularnaarisussamik, aaqqissuussaanerlu kajujuummisitsisussaq tassunga tlluarsagaq.
- 6) Pisussaaffiit naammassineqarnissaannut qularnaarisussanik illup iluani atugassamik ilitsersuusiorneq.
- 7) Ingerlatsinerit akimut ersittuunissaannik qularnaarisumik illup iluani atugassamik ilitsersuusiorneq, minnerunngitsumik soqtiginnitsinut allanut atatillugu.

*Nakkutiliineq il.il.*

**§ 23 p.** Atuisartoqarnermut Unammilleqatigiinnermullu Aqutsisoqarfik nakkutiliisuuvvoq malittarisassat kapitalimi uani pineqartut eqqortinneqarnissaannut, aamma malittarisassat kapitali una naapertorlugu suliaasut eqqortinneqartarnissaannut.

*Internetimut appakaaffissaqartitsinissamik noqqaassutit naleqquttut  
aamma peqatigiilluni ataatsimut atuisitsisinnaatitsineq*

**§ 23 q.** Atuisartoqarnermut Unammilleqatigiinnermullu Aqutsisoqarfik aalajangiisinnaavoq pisumi aalajangersimasumi naleqquttumik internetimut appakaaffissaqartitsinissamik

imaluunniit peqatigiilluni ataatsimut atuisitsisinnaatisinissamik imaluunniit atuuttup allanngortinnissaanut noqqaasoqarnersoq pillugu, § 23 a, imm. 2 imaluunniit § 23 i naapertorlugu.

*Imm. 2.* Qinnuteqaat attaveqaqatigiissutinik imaluunniit kiffartuussissutinik elektroniskiusunik ataqtigiissaakkanik kikkunnut tamanut neqerooruteqartartumit tunniunneqarsimassaaq, § 23 b, imm. 2-mi pineqartuni piumasaqarsinnaasumit imaluunniit ilaasumit.

*Imm. 3.* Atuisartoqarnermut Unammilleqatigiinnermullu Aqutsisoqarfip imm. 1 tunngavigalugu aalajangiineri sapinngisamik sukkanerpaamik pisassapput, sapinngisamillu kingusinnerpaamik qaammatit sisamat qaangiunneranni, attaveqaqatigiissutinik imaluunniit kiffartuussissutinik elektroniskiusunik ataqtigiissaakkanik kikkunnut tamanut neqerooruteqartartup suliassamik Atuisartoqarnermut Unammilleqatigiinnermullu Aqutsisoqarfimmut suliassanngortitsineraniit, imaluunniit suliap allatigut akerleriissutaasunik suliaqartarnermut imm. 4 naapertorlugu suliassanngortinneqarneraniit.

*Imm. 4.* Atuisartoqarnermut Unammilleqatigiinnermullu Aqutsisoqarfik imm. 1 naapertorlugu aalajangiinissamut taarsiullugu aalajangersinnaavoq internetimut appakaaffissaqartitsinissamik aamma peqatigiilluni ataatsimut atuisitsisinnaatisinissamik isumaqatigiissuteqarnissamut imaluunniit allannguinissamut naleqquttumik noqqaassuteqarnersoq pillugit pisuni aalajangersimasuni suliat, allatigut akerleriissutaasut suliarineqartarnerinut malittarisassat naapertorlugit suliassanngortinneqassasoq, nalilerneqarpat akerleriissutaasup aaqqiissutissarsinissaanut tamanna naleqqunnerusoq. Naalakkersuisut akerleriissutaasut suliarineqartarneri pillugit ersaringersunik malittarisassiussapput.

*Imm. 5.* Suliami imm. 1-imi ilaasumi imm. 4-lu naapertorlugu akerleriissutaasut suliarineqartarnerannut malittarisassat naapertorlugit suliassanngortinneqarsimasumi attaveqaqatigiissutinik imaluunniit kiffartuussissutinik elektroniskiusunik ataqtigiissaakkanik kikkunnut tamanut neqerooruteqartartut ilaat ataatsip peqataasup noqqaassutigippagu Atuisartoqarnermut Unammilleqatigiinnermullu Aqutsisoqarfip imm. 1 naapertorlugu suliaq aalajangiiffigissavaa.

*Aalajangiigallarnerit il.il.*

**§ 23 r.** Atuisartoqarnermut Unammilleqatigiinnermullu Aqutsisoqarfik kapitali una imaluunniit malittarisassiat taanna naapertorlugu suliamik ingerlatsinermini paassisutissanik atortussanilluunniit piumasarisimasaminik tigusinngikkuni, takuuq § 30, taava paassisutissat pigineqartut tunngavigalugit aalajangiisinhaavoq.

*Imm. 2.* Atuisartoqarnermut Unammilleqatigiinnermullu Aqutsisoqarfik suliamik attaveqaqatigiissutinik imaluunniit kiffartuussissutinik elektroniskiusunik ataqtigiissaakkanik kikkunnut tamanut neqerooruteqartartut akornanni internetimut

appakaaffissaqartitsinissaq aamma peqatigiilluni ataatsimut atuisitsisinnaatitsinissaq pillugu ingerlatsinerminut atatillugu suliami akuusut susassaqartut arlaannit qinnuteqartoqarnera tunngavigalugu aalajangiiffigisinnaavaa:

- 1) internetimut appakaaffissaqartitsinissaq imaluunniit peqatigiilluni ataatsimut atuisitsisinnaatitsinissaq aallartinneqarallassasoq, ingerlanneaqannassasoq imaluunniit aallarteqqinnejassasoq, kiisal
- 2) atugassarititaagallartussanik aamma akiusussanik aalajangiilluni.

*Imm. 3. Atuisartoqarnermut Unammilleqatigiinnermullu Aqutsisoqarfip imm. 2 naapertorlugu aalajangiigallarneq allanngortissinnaavaa.*

*Imm. 4. Inaarutaasumik isumaqatigiissutaasussamik isumaqatigiissuteqartoqarp, aalajangiigallarneq atorunnaassaaq, isumaqatigiissutip atortuulerfianiit.*

*Imm. 5. Inaarutaasumik aalangiisoqarp, akiusut imm. 2 aamma 3 naapertorlugit aalajangerneqarsimasut iluarsiivigineqassapput, taamaasilluni attaveqaqatigiissutinik imaluunniit kiffartuussissutinik elektroniskiusunik ataqtigiissaakkanik kikkunnut tamanut neqerooruteqartartut ima atugassaqartineqalissallutik inaarutaasumik aalajangiineq aalajangiigallarnerup atortuulerneranit atortinneqalissalluni. Akiusunik kingumoortumik iluarsiissuteqarnermi erniatigut annaasat annikinngitsut ilanngullugit isiginiarneqarsinnaapput.*

*Imm. 6. Attaveqaqatigiissutinik imaluunniit kiffartuussissutinik elektroniskiusunik ataqtigiissaakkanik kikkunnut tamanut neqerooruteqartartoq upternarsaatissanik naammattunik saqqummiisimanngippat, taamaattumillu aalajangiinerugallartumik aalajangiisoqartariaqarsimappat, takuuk imm. 2, imaluunniit pissutsit atuuttut tunngavigalugit aalajangiisoqarsimappat, takuuk, imm. 1, imm. 5 apeqquatainnagu akiusunik kingumoortumik aaqqiissuteqartoqassaaq, kingumoortumik aaqqiissuteqarneq suliaqartuni pingajuusumut iluaqutissaappat”.*

## **2. § 30-mi imm. 3-nngorlugu ikkunneqassaaq:**

”*Imm. 3. Imm. 1-imi paasissutissat taaneqartut Atuisartoqarnermut Unammilleqatigiinnermullu Aqutsisoqarfip Sverigemi, Norgemi, Islandimi, Finlandimi, Savalimmiuni Danmarkimilu unammilleqatigiinnermik oqartussanut ikiuinermini atornissai aamma piumasarineqarsinnaapput, oqartussat taakku namminneq nunaminni unammilleqatigiinneq pillugu malittarisassanik atuinissaat siunertaralugu.”*

## **3. § 31-mi imm. 3-ip kingorna nutaatut ikkunneqassaaq:**

”*Imm. 4. Atuisartoqarnermut Unammilleqatigiinnermullu Aqutsisoqarfik Sverigemi, Norgemi, Islandimi, Finlandimi, Savalimmiuni Danmarkimilu unammilleqatigiinnermik oqartussanut ikiuiniarluni nakkutilliilluni misissuisinnaavoq, oqartussat taakku namminneq nunaminni unammilleqatigiinneq pillugu malittarisassanik atuinissaannut tunngatillugu. Taamatuttaaq § 32-imi malitarisassat atortinneqassapput.”*

Imm. 4 imm. 5-inngortinneqassaaq.

**4. § 33 ima oqaasertalerneqassaaq:**

” Politiit Atuisartoqarnermut Unammilleqatigiinnermullu Aqutsisoqarfik § 31, imm. 1-3 aamma § 32, imm. 1-4-mi pisinnaatitsissutit naapertorlugit suliaqarnerani ikiortassavaat.”

**5. § 35, *imm. 1* ima oqaasertalerneqassaaq:**

” Unammilleqatigiinnermут Aalajangiisartut aamma Atuisartoqarnermut Unammilleqatigiinnermullu Aqutsisoqarfip Inatsisartut inatsisaat naapertorlugu aalajangigaat allaffissornikkut oqartussanut allanut ingerlateqqinnejarsinnaanngillat.”

**6. § 38 ima oqaasertalerneqassaaq:**

” Piaarinaatsoorluni imaluunniit mianersuaalliorujussuarluni ukuninnga unioqqutitsisoq akiliisitaasinnejarsinnaavoq:

- 1) § 6, imm. 1-imik unioqqutitsisoq,
- 2) piumasamik § 8, imm. 3, imm. 3-at naapertorlugu nalunaarutigineqartumik unioqqutitsisoq imaluunniit naalanngitsoq,
- 3) § 11, im. 1-imik unioqqutitsisoq,
- 4) § 12, imm. 1 naapertorlugu peqqusummik unioqqutitsisoq imaluunniit naalanngitsoq,
- 5) § 13, imm. 1 naapertorlugu inerteqqummik eqqortitsinngitsoq,
- 6) § 17, imm. 1 naapertorlugu kattunermik nalunaarutiginninngitsoq,
- 7) § 19, imm. 2 naapertorlugu kattunnissamut inerteqqusineq eqqortinnagu kattunermik piviusunngortitsisoq, § 19, imm. 5, imm. 1-at naapertorlugu kattunnissap akuerineqannginnerani piviusunngortinnissaanut inerteqqummik unioqqutitsisoq, § 19, imm. 6, imaluunniit § 21, imm. 1 imaluunniit imm. 3 naapertorlugu piumasamik imaluunniit peqqusummik naalanngitsoq, imaluunniit § 23 naapertorlugu peqqusummik naalanngitsoq,
- 8) § 23 c-mik unioqqutitsisoq,
- 9) § 23 i, imm. 2, nr. 2 aamma 3-mi allassimasutut pisussaaffimmik § 23 i, imm. 1 naapertorlugu aalajangerneqarsimasoq naapertorlugu neqerooruteqartartumut pisussaaffiliunnejarsimasumik malinninngitsoq,
- 10) § 28 naapertorlugu peqqusummik unioqqutitsisoq imaluunniit naalanngitsoq,
- 11) neriorsummik § 29, imm. 1 naapertorlugu unioqqutinnejassanngitsumik unioqqutitsisoq imaluunniit naalanngitsoq,
- 12) § 29, imm. 2 naapertorlugu peqqusummik unioqqutitsisoq imaluunniit naalanngitsoq,
- 13) § 30 naapertorlugu piumasaqaammik naalanngitsoq, imaluunniit
- 14) Unammilleqatigiinnermут ataatsimiititaliamut imaluunniit Atuisartoqarnermut Unammilleqatigiinnermullu Aqutsisoqarfimmut paassisutissanik eqqunngitsunik imaluunniit tammartitsisunik tunniussaqartoq imaluunniit suliamut paassisutissarsiorfigisamut paassisutissat pingaartut nipangiunnejarpata.

*Imm. 2.* Imm. 1, nr. 1, isumaqatigiissuteqarnermiit, suliffeqarfiiit kattunnerisa imaluunniit sulisaatsit ataatsimut aaqqissuunnerisa akuerineqarnerannit § 8, imm. 1, imaluunniit imm. 4 naapertorlugu Unammilleqatigiinnermut ataatsimiitaliamut nalunaarutigineqarneraniit Unammilleqatigiinnermullu ataatsimiitaliap § 8, imm. 1, imaluunniit imm. 4 naapertorlugu aalajangiinissaata tungaanut atortinneqassanngilaq.

*Imm. 3.* Inatsisartut inatsisaat manna naapertorlugu najoqquassiani Kalaallit Nunaanni pinerluttulerinermut inatsit naapertorlugu akiliisitsisoqarsinnaavoq.

*Imm. 4.* Inatsisartut inatsisaat imaluunniit Inatsisartut inatsisaat naapertorlugu najoqquassiani akiliisitsinissamik tunngavissaqartitsippat akiliisitsineq Kalaallit Nunaanni pinerluttulerinermut inatsimmi malittarisassat naapertorlugit inatsisitigut inuttut naatsorsuussamut akiligassanngortinneqarsinnaavoq.

*Imm. 5.* Imm. 1 aamma imm. 3-4 naapertorlugit akiliisitsinerit Lanskarsimut nakkartinneqassapput.

*Imm. 6.* Kalaallit Nunaanni pinerluttulerinermut inatsit naapertorlugu pineqaatissiisoqarsinnaavoq § 6, imm. 1-imut akerliusumik unammilleqatigiinneq millisillugu niuernikkut isumaqatigiissuteqartoqarpat, unioqqutitsineq siunertaqartumik pisimappat ingasallunilu, ingammik unioqqutitsinerup annertussusia imaluunniit ajoqsiinerit kingunerisinnaasai peqqutigalugit. Imm. 1 naapertorlugu unammilleqatigiinneq millisillugu niuernikkut isumaqatigiissuteqarneq paasineqassaaq isumaqatigiissut, sulisaatsit ataatsimut aaqqissuunneri imaluunniit suliffeqrfiiit akornanni kaaviiartitaqarfimmi assigiinni makku pillugit akuersineq:

- 1) akit, iluanaarutit assigisaalluunniit nioqqutit kiffartuussissutiluunniit tunineqarnerannit imaluunniit tuneqqinnejnarnerannit pisut,
- 2) nioqqutissiornerup tunisaqarnerulluunniit killilersorneri,
- 3) niuerfinnik atuisunilluunniit immikkoortiterineq, imaluunniit
- 4) neqeroorutinik ataqtigiissaarineq.

*Imm. 7.* § 6, imm. 1-imut akerliusumik pissutsit immikkut sakkortunerusut atorlugit unammilleqatigiinneq millisillugu niuernikkut immikkut ingasaassaamik isumaqatigiissuteqartoq Kalaallit Nunaanni pinerluttulerinermut inatsit naapertorlugu pineqaatissinneqarsinnaavoq. Pissutsinut immikkut sakkortunerusunut ingammik ilaatinneqarpoq unioqqutitsineq annertooq imaluunniit annertuumik ajoqsiinermik kinguneqartitsisinnaasoq.”

*Imm. 8.* Suliffeqarfinnut pineqaatissiissutit akiliisitsissutit annertussuilernerini uku aallaavigineqassapput:

- 1) aningaasaqarnikkut iluanaarutit anguneqarsimasut imaluunniit anguniarneqartut, taakku naatsorsorneqarsinnaappata,
- 2) unioqqutitsinerup annertussusaa,
- 3) unioqqutitsinerup sivisussusaa aamma
- 4) suliffeqarfiup kaaviiartitai.”

## § 2

Nalunaarasuartaatitigut atassuteqarneq nalunaarasuartaatitigullu kiffartuussinerit pillugit  
Inatsisartut peqqussataat nr. 17, 20. november 2006-imeersumi imaattunik  
allannguiteqartitsisoqassaaq:

1. § 6 atorunnaarsinnejarpooq.
2. § 11, imm. 2, nr. 5 aamma 6 atorunnaarsinnejarpooq.  
Nr. 7-9 taamaasillutik tassaalissapput nr. 5-7.
3. § 15 atortunnaarsinnejarpooq.

## § 3

Inatsisartut inatsisaat atortuulissaq 30. december 2017.

*Namminersorlutik Oqartussat, ulloq xx. xx 2017*

Kim Kielsen